



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 414; 726 409
fax. +387 33 726 414;
e – mail: info@voda.ba

Bosna i Hercegovina
Federacija Bosna i Hercegovina
Parlament Federacije BiH
DOM NARODA

Sekretar

Naš znak/Our ref.: **40-175-2/22**

Vaš znak/Your ref.:

Datum /Date,

Državni institucija
Federacije Bosne i Hercegovine
PARLAMENT FEDERACIJE
SARAJEVO

Primijeno: 17 8 -02- 2022			
Org. jed.	Broj	Priloga	Vrijednost
15.02.2022.	05/2 -	02 -	41/22

PREDMET: Odgovor na zastupnička pitanja

VEZA: Vaš dopis broj: 05/2-02-41/22 od 02.02.2022. godine

Poštovani,

«Agencija za vodno područje rijeke Save» Sarajevo (u daljem tekstu Agencija) zaprimila je Vaš dopis broj i datum navedeni u vezi, u kojem nam dostavljate na nadležno postupanje zastupnička pitanja koja je postavila delegatkinja u Domu naroda Parlamenta Federacije BiH Segmedina Srna – Bajramović.

Ovim putem Vam dostavljamo odgovore na postavljena pitanja koja se odnose na Agenciju:

- Kao sporna činjenica navodi se da se predmetni privredno-poslovni kompleks – „HIFA-OIL AERODROM“, koji se planira graditi uz magistralnu cestu M-18 Sarajevo – Trnovo, ulica Kurta Schorka, nalazi unutar granica treće vodozaštitne zone. Ova tvrdnja se zasniva na odredbama **nevažeće** Odluke o zaštiti izvorišta vode za piće u Sarajevskom polju (Službene novine grada Sarajeva 2/87). Ova, kao i sve druge odluke i podzakonska akta kojima se reguliraju pitanje zaštite voda proglašene su nevažećom članom 60. Zakona o zaštiti voda ("Službene novine Federacije BiH", broj: 33/03 i 54/04), a isti glasi: "Danom stupanja na snagu ovog zakona prestaju važiti odredbe posebnih propisa koje reguliraju pitanje zaštite voda".
- Prema prostornom planu Kantona Sarajevo za period 2003-2023. godine ova lokacija se nalazi u zoni namjene „terminali, depoi, stanice“ što odgovara namjeni planiranog privredno-poslovnog kompleksa „HIFA-OIL“ AERODROM u Sarajevu.
- Obaveza obavještanja javnosti o namjeravanim aktivnostima u jednom dnevnom listu u toku vođenja upravnog postupka za izdavanje prethodne vodne saglasnosti nije bila propisana kao obavezna u postupku izdavanja konkretne prethodne vodne saglasnosti. Ovaj vid obavještanja javnosti je propisan kao obavezan stupanjem na snagu Pravilnika o izmjenama i dopunama Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 41/20) (stupio na snagu (25.06.2020). Navedenim izmjenama Pravilnika u članu 1. stav (3) propisuje se da je „Nadležni organ obavezan je prethodno osigurati sudjelovanje zainteresirane javnosti, te istu upoznati sa obavijesti koja se oglašava:“ ... tačka „b) u jednom dnevnom glasilu dostupnom na teritoriju Federacije za zahtjeve iz nadležnosti Agencije, odnosno u jednom dnevnom glasilu dostupnom na području kantona za zahtjeve iz nadležnosti kantonalnog ministarstva,“. Ova obaveza je stupila na snagu nakon donošenja predmetnog rješenja o prethodnoj vodnoj saglasnosti (rješenje doneseno 07.05.2020.) i ista se nije mogla primjeniti.
- Odgovor na upit vezan za Aerodrom Sarajevo glasi: Rješenjem o vodnoj dozvoli broj UP-I/25-3-40-015-3/21 od 26.03.2021. godine u tački 3.2. dispozitiva rješenja propisana je obaveza: „Da se u roku od tri godine od izdavanja ovog rješenja završe aktivnosti (pribavljanje odobrenja iz oblasti građenja uključujući i odgovarajuće vodne akte, izvrši

izgradnja benzinske pumpe-terminala goriva na novom lokalitetu) te da se postojeća benzinska stanica ukloni sa predmetne lokacije, a sve s cilju zaštite kvantitativno-kvalitativnih karakteristika akvifera podzemnih voda „Sarajevskog polja“, koja se koristi za javno vodosnabdijevanje, jer sa aspekta zaštite podzemnih voda u „Sarajevskom polju“ jednoplašni rezervoari za gorivo koji su sada postavljeni u sklopu predmetne pumpe ne zadovoljavaju zaštitu podzemnih voda.“ Izgradnjom novog terminala za gorivo ova obaveza, koja je propisana i vodnom dozvolom broj UP-I/25-3-40-742-3/15 od 15.03.2016. godine, će se ispuniti u dijelu koji se odnosi na obavezu izmještanja i modernizacije terminala za gorivo na način da će novim terminalom biti osigurano bezbjednije skladištenje i manipulacija kerozinom sa aspekta zaštite voda.

- U vezi sa navedenim predmetom i upitom dobivenim od neformalne grupe građana „Spasimo Dobrinju – Spas u zadnji čas“, želimo Vas informisati da su se ovoj Agenciji obraćali kantonalni i državni istražni organi i da je Agencija je istima dostavila svu traženu dokumentaciju u fazi prikupljanja relevantnih činjenica u vezi sa predmetom istrage. U ovako osjetljivoj situaciji (faza istrage) saradnja sa neformalnim udruženjima građana bi mogla biti, po našoj procjeni, kontraproduktivna i mogla narušiti tok istrage i u konačnici uticati na konačni ishod iste. Zbog toga je logično prepustiti nadležnim organima da obavljaju svoj posao uz našu maksimalnu saradnju.

S poštovanjem,


DIREKTOR

Sejad Delić, dipl.ing.

Dostaviti:

- ① – Naslovu
- Sektor 40, arhiva
- a/a